

Nimewo 11.1

D E K R È E G Z E K I T I F

Deklarasyon ijans poutèt katastwòf nan Eta New York

LÈ NOU KONSIDERE, Òganizasyon Sante Mondyal la te deklare pandemi global COVID-19 la se yon ijans sante piblik ki konsène tout kominote entènasyonal la depi kòmansman 2020;

LÈ NOU KONSIDERE, Sekretè Sante ak Sèvis Sosyal (Health and Human Services) Etazini an te deklare yon ijans sante piblik pou tout Etazini pou ede kominote swen medikal nasyon an reyaji a COVID-19 nan dat 31 janvye 2020;

LÈ NOU KONSIDERE, New York kounye a ap viv transmisyon COVID-19 la nan pousantaj ke Eta a pa te wè depi avril 2021;

LÈ NOU KONSIDERE, pousantaj novo admisyon lopital pou COVID-19 yo te ogmante pandan mwa pase a pou plis pase 300 novo admisyon chak jou;

LÈ NOU KONSIDERE, Eta a dwe kontinye yon apwòch kowòdone pou asire kapasite lopital nan tout eta a kapab satisfè bezwen rejyonal yo;

LÈ NOU KONSIDERE, gouvènman Eta a dwe sipòte minisipalite ak konte yo nan efò yo pou fasilité ak administre vaksinasyon ak tès pou COVID-19 ak pou anpeche viris la kontinye pwopaje nan pousantaj sa yo;

LÈ NOU KONSIDERE, Òganizasyon Sante Mondyal la (World Health Organization) ak Sant pou Kontwòl ak Prevansyon Maladi a (Centers for Disease Control and Prevention) te idantifye yon nouvo varyan, ke yo rele Omicron, ke yo idantifye kòm yon varyan ki soulve preyokipasyon.

LÈ NOU KONSIDERE, varyan sa te idantifye nan tout 50 eta Etazini yo, ki enkli New York, ak plis pase 104 peyi;

LÈ NOU KONSIDERE, varyan Omicron sa te demonstre li fasil pou transmèt epi li ka lakoz pwopagasyon ki eksponansyèl;

LÈ NOU KONSIDERE, vaksen ki ankou a pa demonstre li efikas tèlman kont enfeksyon Omicron an, pandan li rete pi fò kont maladi grav;

KOUNYE A, AN KONSEKANS, Mwen menm, Kathy Hochul, Gouvènè Eta New York, konfòmeman ak otorite Konstitisyon Eta New York la ak Seksyon 28 Atik 2-B Lwa Egzekitif la te konfye mwen, avèk dokiman sa a, kontinye kenbe anvigè tèm, kondisyon, ak sispanasyon yo ki nan Dekrè Egzekitif Nimewo 11 rive nan 25 janvye 2022.

ANPLIS DE SA, avèk otorite mwen genyen dapre Seksyon 29-a Atik 2-B Lwa Egzekitif la pou sispann oswa chanje pwovizwaman nenpòt lwa jeneral, lwa lokal, òdonans, dekrè, règ oswa règleman, oswa pati ladan yo, pou nenpòt òganis pandan yon ijans nan Eta a poutèt catastwòf, si respè lwa jeneral, lwa lokal, òdonans, dekrè, règ oswa règleman sa yo ta anpeche, jennen oswa retade mezi ki nesesè pou fè fas a catastwòf la, oswa si sa nesesè pou bay asistans oswa èd pou fè fas a catastwòf sa a, avèk dokiman sa

a, mwen sispann oswa chanje pwovizwaman, pou peryòd ant dat Dekrè Egzekitif sa a jis nan dat 25 janvye 2022, sa ki annapre yo:

- Tit V nan Atik 5 nan Lwa sou Sante Biblik ak soupati 19 ak 58 nan Tit 10 nan NYCRR la, nan limit ki nesesè yo pou pèmèt laboratwa yo kenbe yon sètifikasi Lwa sou Amelyorasyon Laboratwa Klinik (Clinical Laboratory Improvement Acts, CLIA) ak reponn ak kalite estanda CLIA yo ki dekri nan 42 CFR nan Soupati H, J, K ak M, pou fè tès pou deteksyon SARS-CoV-2 nan echantiyon yo kolekte nan moun Eta New York;
- Sibdivizyon 7, 7-a ak 8 nan seksyon 459-c Lwa sou Taks sou Pwopriyete Imobiliye a (Real Property Tax Law), ak sibdivizyon 5, 5-a, 5-b, 5-c ak 6 nan seksyon 467 nan Lwa sou Taks sou Pwopriyete Imobiliye a, nan mezi sa nesesè pou otorize kò administratif yon inite evalyasyon adopte yon rezolisyon k ap bay evalyatè a enstriksyon pou li akòde egzansyon konfòmeman ak seksyon sa a nan kadas 2022 an pou tout mèt pwopriyete ki te resevwa egzansyon sa a nan kadas 2021 an, epi konsa evite nesesite pou moun sa yo renouvre demann yo, epitou evite nesesite pou evalyatè yo voye demann renouvèlman pou moun sa yo pa lapòs. A kondisyon sepandan, pou kò administratif la gen dwa, si li chwazi sa, ajoute nan rezolisyon sa a pwosedi pou evalyatè a kapab egzije pou yo depoze yon demann renouvèlman lè li gen rezon kwè yon pwopriyetè ki te kalifye pou egzansyon nan kadas 2021 an gen dwa depi lè a chanje rezidans prensipal li, ajoute yon lòt pwopriyetè sou tit la, transfere pwopriyete a bay yon novo mèt, oswa mouri;
- Atik 7 Lwa sou Ofisyè Biblik yo otorize Sena ak Asanble Eta New York, nan diskresyon yo, nan mezi sa nesesè, pou reponn epi poze aksyon ke lalwa otorize adistans pa apèl konferans oswa sèvis ki menm jan, epi aji otremain, nan konfòmite ak previzyon Pati E, Chapit 417 Lwa 2021 yo, epi k ap ekspire nan dat ekspirasyon Chapit sa.

F È T sou siyati mwen ak So Prive Eta a nan Vil

Albany nan venntwazyèm jou mwa

desanm ane de mil venteyen

SOU LÒD GOUVÈNÈ A

Sekretè Gouvènè a